



21593

Lat. Rom.

III

Mag. St. Ds.

P

antimus Josephus.

Sarson Samuel. Pantheum Archipraesulei
honoris in montibus Leoburgis —

PANEG. et VITAE
Polon. Fol.

№ 1759.

P
A

L

Z

A

==

13.
PANTHEUM

ARCHIPRÆSULEI HONORIS;
IN MONTIBUS LEOBURGICIS,
ILLVSTRISSIMO.



REVERENDISSIMO DOMINO,
D. CONSTANTINO
JOSEPHO
ZIELINSKI,

DEI, & Sanctæ Sedis Apostolicæ gratiâ,
ARCHIEPISCOPO LEOPOLIENSI,

Opere Panegyrico,

ERECTUM;



ad Solennem Sedis Suæ Metropolitanæ
Leopoliensis Ingressum,

Inter faustas Orbis Poloni Acclamationes,

CULTU OFFICIOSISSIMO,



M. SAMUELE JANSON,

*In Alma Universitate Cracoviensi,
Philosophiæ Doctore, & Professore,*

DEDICATUM.

Anno Salutis 1708. Die 20 Mense Febru

CRACOVIAE, TYPIS VNIVERSITATIS.



de la Bibliotheque
d' HYACINTHE PRZYBYLSKI.

*LECTUS concilio Divûm convenerat Ordo,
Interiore Polo.
Aurea Templa replent, mixtâ, convexa Deorum
Maestrate tremunt, radiant Maiore sereno,
Culmina, & arcano florentes lumine postes.*



Status Lib: I. Theb.

ILLVSTRISIME,

REVERENDISIME DOMINE,
ARCHIPRÆSUL LEOPOLIENSIS,
DOMINE, DOMINE PATRONE, &
PROTECTOR AMPLISSIME.



Sublime istud, & excelsis majoris fortunæ titulis eminentius Culmen, quando inter lætos Divûmq; hominûq; plausus incendis, non sine prospero futuræ felicitatis signo, novum Pantheum, Magnitudini Tuæ assurgit. Novum fatum hominibus tribuere, & facere felices, cæleste donum est, & Divinum: vtrumq; in Archipræsulei Honoris Tui Pantheo Augur divinat Apollo. Nec Cortina ejus quenquam fallere poterit; cum nihil est tam simile, tam cognatum Cælo, quàm pulchrum Virtutum Tuarum Agmen, quarum origo de Cælo. Nihil Augusto Deorum Concilio tam cōpar, quàm vivax, etiam post funera, Paternorum Maternorumque Decorum imago & fama perennis. Pantheum Quiritium, barbaricæ simulacrum opulentia, neminem felicem facere poterat, sine humani generis injuria & præjudicio; quia è varietatibus pretiosis, depressi & gementis Orbis constabat. Augustioris Tui Panthei Sacra Adyta,

quicunque

quicumque hospes religioso honore perfusus,
subierit; nunquam non compos voti solennis
redibit. In quo Divini humaniq; Juris Majestas
perinde suum Augustale posuit, ac sincera pie-
tas & Iustitia, quæ homines (ex Oraculo Au-
gusti Cæsaris) Deos faciunt, Tabernacula fi-
xere. Illud ex spolijs devictarum Gentium, o-
mne iuum decus stupendum & variarum mi-
racula Iconum deducens, edacis gulæ tempo-
ris, cessit in spolium. Cui faustitatis specimen
esse potest? nisi forsitan Romæ veteri! quæ in su-
is sepulta triumphis jacet. Tuum Pantheû, ex
perennibus Animi Tui pretijs totum dives,
splendidum & Magnificum, Omnis humanæ
felicitatis compendium, cujus facti consortes,
ex fortunato eventu auguria capiunt, sat su-
perq; beati, postquã se sensere felices. Ad hoc
venerabundus accedo, tanquam aliquis Romæ
ad Rotundæ Beatæ Virg. MARIÆ Templum,
pro Tuæ Celsitudinis perpetuis Honoribus,
vota appendens Aris; nec mei Musarumq; A-
cademicarum immemor Exorator, quæ tecû
in spes meliores, quantò altius assurgunt, tan-
tò demissius; Supremam Cælorum Majestatem
deprecantur; vt Te, Polonarum grande decus
Columenq; rerum, æternû esse velit, jubeatq;

ILLUSTRISSIMÆ ac REVERENDISSIMÆ
CELSITUDINIS VESTRÆ,

Humillimus Servus,

M. SAMVEL IANSON *Leop. P. D. & P.*

PANTHEON

AVITORVM DECORVM RADIANS

MAIORE SERENO.



Arbara Pyramidum, fileat miracula Memphis.

Magnorum Icarus moliminum fastus,
quæ sine Dædala virtute, minantia cælo substruxit fastigia,
ævi sapientioris iudiciò, in ludibria vertuntur.

Talia instar miraculi habere,
tàm ridiculum habetur, quàm lapidem è sepulchro,
(ut inveteri proverbio est,)

pro Deo venerari.

Adeò omne, fastu profanò fastigiatum, non solidum terris?

*Parios lapides, & crustata opera eò infelicius perdit,
quò inconsultiùs ad vanam ostentationem projecit.*

Affiduus jactet nec Babylona labor.

Stupenda illa strues & congestus lapidum,
etiam suis ridetur in ruderibus:

Quia artifice luxu muliebri, surgens in altum;
maiori iacturæ quàm gloriæ locum fecit.

Barbaricæ simulacra opulentæ;

quamvis in Iovis Olympiæ bore vel Rhodio Colosso superbiant,
ad superum favores non proficiunt.

Cùm, terrenis extructa materijs, terram sapiant,
& plausum popularem respiciant, non stellam polarem,
hoc est virtutem; Divinum insuperabile bonum:

Hæc in animis cælestia spirantibus.

æterna sibi Tempa construit, immaginesq;

æternum mansuras erigit,

non cum Tyberio simulat malignè.

Immortalium eiusmodi molium basis, est ipse Deus:

duratio æternitas: finis, summi gloria Numinis:

Spectator amor publicus:

Encomium propria conscientia.

Dædalus & Myron, & Apelles, ipse admirabilis animus,

Divinâ virtute conspicuus.

△

Tali

Tali artificio, Pantheon Tibi,
sed ex Te Ipso augustius surgit:
Illustrissime & Reverendissime Domine:
Immortalibus Avitorū Decorum ornamētis;

non fluxis, falsorum Deorum Imaginibus,
terræ Cæloq; tam gratè visendum;
ut simul oculos, animosq; videntium abripiat:
Spectatorem omnium habens stuporem:
Quàm longiori, Avorum, Atavorumq; seriē extensum,
tam Majore radians sereno.

Ire per omnia illius, Iove digna spectacula,
ut probabilis obsequij, ita imparis ingenij mei est.
A triumphali, in quo basis iacta est CAPITE,
summa persequi vestigia rerum:
inconsulti capitis, aut prophani artificis industria esto.
Cæteras imagines, sua vetustas cælo consecrer,
cui, illas fama perennis pridem asseruit.

Interim à Cardine Palatino,
è prope tuam gloriam contingente,
veterum decora alta Parentum, admirari liceat;
Quid enim non admiratione dignum spectavit Polonus Orbis,
in Illustrissimo Domino,

GREGORIO ZIELINSKI,
Palatino Plocensi, Proavo Tuo?
qui magnis perfunctus discriminibus,
non sine commodo Patriæ, in Consilij Nestor
in Armis Achilles.

Ille Bellonam, cum Apolline pulchro fœdere ligavit,
optimè audire arbitrando apud posteros:
postquàm hinc Apollo, fidibus; inde Bellona Classico,
GREGORII gloriam personaret.

His palmaribus, insistit vestigijs,
Magni Parentis, non degener Filius, A V V S Tuus;
VALENTINVS ZIELINSKI,
Castellanus Plocensis,

Verè

Verè Avitum decus Illustrissimi Sanguinis;
prævalido Magnanimitatis & prudentiæ succinctus adjumento,
pro Pergamis Poloniæ Hector:

exeruit semper, in Comitijis vocem liberam,
quoties pro libertate loquentem, exarsisse decebat:
cuius & Tutor fuerat, & acerrimus vindex;

Nempe:

Optimè noverat, hanc unicam pupillam Polonorum esse;
adeoq; tueri illam fortiter, ne læderetur inferebat;

*Alij postquam cecutiunt; vident, quò tramite
irruit calamitas.*

Ille adeò prævidit malorum incursus,
ut ad illius mentis speculam Poloniæ fata cæcutirent.

Non degeneres à Iove suo Parente,

& Hercule Fratre **VALENTINO;**

Ledæis fulgentiores astris, **SIGISMUNDVS & NICOLAUS:**

quorum virtutes & merita, justius Polonia Templis

& Divûm Imaginibus cœlo tenus attolleret:

quàm olim, Castori & Polluci Posthumius,

quasi stipendium Commilitonibus Dijs exsolvit.

Auxit Magni Patris **NICOLAI** gloriam,

iuxta militaribus adoreis,

ac Pacis Artium Oleis gloriosus:

ipse lucis purpureæ illustrior auge;

in Senatorio Castellanatûs Vîsnensis Murice,

IOANNES ZIELINSKI,

Nec Solstitium Purpuratorum Decorum,

in **JOANNE!**

Splendidam hanc Apogæi vicem,

Augustior Poloniarum Phœbus accendit;

In Illustrissimo Parente Tuo,

LUDOVICO ZIELINSKI,

Castellano Sierpcensi, Capitaneo Ciechano:

Quò non digniùs Pericles,

Nomen decusq; Iovis Olympij tulerit!

qui pariter summis Regni in negotijs,
manu tonare, linguâ fulminare credebatur.

Hic velut rapidum è nubibus fulmen,
aquilonaria fulmina Suecos percussit,
Nec aliô pulchriori sidere Coelum,
quàm Tui Honoris Pantheon, receptâ coelo
Summi Progenitoris imagine, splendet.

Iactat suum Bellona Herôem, immortalî gloria dignum,
quia gloriosè pro Patria obiit,

VLADISLAVM ZIELINSKI,

Codrus alter; prorogavit illi suâ morte vitam,

*Scivit enim agonisantis Patriæ spiritum,
effusâ Heroum vitâ detineri.*

Mille quidem pennarum elogia non sufficiunt,
ad describendam ZIELINSCIANÆ gloriæ Panegyrim,
quibus in altum evolent!

Ipsæ ZIELINSCIORVM Dexteræ Calamos suppeditant,
quæ maioribus Regum fatis ad solia suffragantur.

Nempe:

VALENTINUS Castellanus Procensis,

IOANNES Dapifer Procensis,

ADALBERTUS, SIGISMUNDUS, & MARTINUS,

ZIELINSII;

Electa Nomina, Electioni VLADISLAI Quarti
subscribere.

Ita:

*Illustrissimarum Familiarum præclaris Nominibus,
non duos animare in Fabricas Silices necessum est,*

*Ipse suæ Dædalus gloriæ nobilium sanguis,
Magnifica immortalium decorum excitat Tempora,
dum arduum Virtutis & gloriæ iter, Heroico
exemplo, Herculeo labore pergit.*

Culmine tantò supereminet,
Germanum carumq; Tibi pectus;

Magne Archipræsul

JOANNES ZIELINSKI Gubernator Ciechanoviensis,

Corcu-

Corculum Patriæ:

eius jura, libertatemq; vitâ potiore habens,
Plûs quàm vigesies Tribunitiam potestatem Nuntius Terrestris,
Magnorum more Maiorum adeo gloriosè sustinuit,

ut nunquam Majestatis favores amitteret,
licèt libertatis integritatem offensionum impavidus assereret.

Ficta Charitum vocabula fingere non licet,
in laudibus ubiq; gratiosissimi IOANNIS:
quem habuit Patria pro sua Domo Oratorem:

Permulcebat ille obstinatos aliorum animos,
melle dulcioris eloquij Nestor.

Non invidit Atheniensibus suos Solones,
Augustus Tribunalis Regni Areopagus,
aureæ Libertatis Titulus: quando præsentem

Iuris & æqui tutelam adhibuit;

Non sine pulcherrimo iustitiæ & gratiarum consortio

JOANNES.

Qui in rectè judicando, Aristidis & Catonis integritatem,
nulli Sanguinis, aut amicitiarum corruptioni,
perviam exhibuit.

Illi, non sola Themis, etiam Bellona patria,
pari jure dilectæ: justos decernunt,

quos magnis periculis meruit triumphos.

Magnis vtriusq; Vestrum exemplis,
& immenso laudum succensi amore,
velut Themistocles alter Milciadis,

alter Theseus Herculis trophæis:
altum nituntur in decus, gaudentq; censer,
ambo Genus Heroum & geminus Pollux,

STANISLAUS ZIELINSKI, Supdapifer Płocen:
& JACOBUS ZIELINSKI, Vexillifer Dobrzynen:

Germana Vestra Capita.

Quorum ille Celsitudine animi, & Heroicis Virtutibus
dignus Convivio Deorum vivus, quod
immature appetijt Pelleus Juvenis.

Hic illustribus in Sago, Togaq; gestis,

eò iam ZIELINSCIANÆ gloriæ signa intulit, quò non evolavit
Pyrrhus Aquila.

Nullò discrimine laudis celebratur;
Quem nihil non laudandum vobiscum discernit populo
LUDOVICUS ZIELINSKI, Thesaur: Lomzensis,
pectus Divini humaniq; Iuris, aureum scrinium,
cui idem entheus in præclara vigor, idem boni
publici amor, & Civilis prudentiæ norma:
ad quam, in Comitij Generalibus componi,
multis fuit pulchrum & decorum:

idem limatissimi iudicij Meridies sine umbra:
Cuius intaminato splendore auctum est nuper,
Illustrissimum Themidis Polonæ Serenum.

Habuit defensorem suum innocentia,
timere non potuit vt illius iudicio temneretur.

Non auri splendor lumen ipsi ademit
vt conniveret vitijs:

invenit scelera & punivit.

Advertit innocentem, vltro patrocinium obtulit,
alienum à iudice reputans:

Periclitanti innocentia non succurrere

Immortales Persarum Regia corpora
domi belliq; tueri

& custodire solitos non quærimus.

Quoties ad Triarios ZIELINSCIORUM ventum est:
Salva res Poloniæ

& tuta fors; Salusq; Regum.

Inaudita seculis, triumphalis ad Viennam laurus

Invictissimo JOANNI III. Poloniarū Regi,
gloriosissimè omnium viruit:

quàm per cædes & Barbarorum stragem
virere fecerunt tres ZIELINSCII Heroes,

Cataphractæ Cochortis ingentia robora

CAROLUS, ADALBERTUS, & FRANCISCUS.

Idem ob liberatos Viennenses, gramineam Regi Gradivo

coro-

Coronam porrexere
Deduxit palmares illorum gressus,
in Budziacenses Campos ipse gradivus
per calentes recenti hostium Sanguine gradus,
novos ostendens triumphos.

Ita

*inflammata semel nescit mitescere virtus,
donec perrumpat strenuè quidquid sibi
summa petenti obstitit.*

Pantheon Romanum inde Nomen habeat,
quod in imaginibus Martis & Veneris,
omnium Deorum imagines effictas exhiberet.

Tui Præfulei Honoris Pantheon,

Illustrissime, & Reverendissime Domine.

Sacrum efficit, Augustior Tuus animus,
omnium domi forisq; Virtutum
pulcherrima Sedes.

Sed Magnificentiam Splendoremq; addunt,

Paternum Maternumq; Genus
vndiquaq; Illustrissimum.

Paterna Decora nec Apelles nec Polycletus
è possibili rudis Artifex expressi; vel potius
ab illis, quorum sunt, expressa augustius
venerari pietatis duxi.

Materni ZAWADCIORUM Splendores,
in nocte scripturientis sepiæ
*suis se produnt fulgoribus,
ceu lucida cornua Luna.*

Quantum Basilico dignitatis Tuæ Fano,
luminis celsissimi affundunt!
tantum ingenio meo caliginis.

'Agmen tantorum Luminum ducat,
non vulgari meritorum luce circumfusus,

ALEXIVS ZAWADZKI,
ISABELLÆ SIGISMUNDI I. Regis Poloniarū Filiæ,
B2
Ioan-

JOANNIS Hungariæ Regis consortis,
Supremus Aulæ Moderator

Augustiore tantarum Majestatum judicio eligitur:
Magni momenti negotio, è voto Principum perfunctus
parem Regum fato prudentiam ostendit:

quâ vidui pondera Regni
post funera JOANNIS
felicior Atlas, Magni Consilij momentis sustentavit.

Non enim alium tantæ moli parem
Prudentissima JSABELLA
Consiliarium, etiam è Consilio Deorum assumere potuit.
*Quò altius magna & insolita virtus progreditur,
invidia occurrit.*

quæ summa quoq; imis confundere suevit;
Vicit hoc monstrum horrendum, cui lumen ademptum,
Major ALEXANDRO ALEXIUS.

Quia illi, victrix fortunæ Sapientia,
Velut æs triplex circa pectus erat.
Belli Pacisq; Artium decora
ALBERTI ZAWADZCII,
gloria prima cedite!

Zelus veræ fidei, avitæ pietatis ardor,
Sanctiorem Lyparam animo accendunt.
His ille ignibus Orthodoxus Alcides
Lernæa mille hæresum Capita,
id est Hæreticis dogmatibus involuta volumina,
nisi combusserit, non extinguet!

Infestos verò lumini ignes fatuos,
nisi his infestis flammis corripit ac pesumdat?
Lucidam Orthodoxæ Religionis Pharon
novis ignibus non excitat.

Hac triumphali flamma Signavit Tibi viam
ad Sacrum Pantheon

Flamen Dialis

BARTHOLOMEE ZAWADZKI,
Canonice Cracovien: Płocen: Pułtovyen: &c. &c.
Excel-

Excelsam Tuam indolem,
ad exotici solis radios
adeo explorasti!
vt splendorum à virtute & Sapientia circumfluus,
quâcunq; incesseas; ubiq; vestigia lucis,
nusquam tenebrarum relinques.

Priscorum interpres Numinum
facundus Majæ natus, placido fidere,
suos Tibi fandi lepores indulgisse videbatur:
quibus Tonantium Poloniæ,
SIGISMUNDI AUGUSTI,
& STEPHANI BATHOREI

gratias venatus:
oracula eorum, Imperatoribus & diversis
Christianis Principibus

Orator loquereris.
Corona Regum Poloniæ STEPHANUS,
idemq; regalis prudentiæ summus,
CAPUT Tuum Aureum
Tiaratis honoribus coronare decreverat,
nisi mors fata propera
eiusdem Corona & vita,
Coronidem imposuisset.

In ipso Templi Propylæo dat se visendum,
jucundo omnium gratiarum succinctus Choro,
JOANNES ZAWADZKI Iudex Ciechanoviensis,
ALBERTI Frater, **BARTHOLOMEI** Patruus:
cuius honoro vertici, Moschoviticiæ
& Gedanenses,
addunt decus laurea.

Ob eximia animi excelsi ornamenta,
carum Nomen Principibus
SIGISMUNDO, AUGUSTO, & STEPHANO BAT:
ast longè carius Cælo!

ob Iustitiæ & illibatæ Fidei æternas effigies,
quas mente integra Iudex coluit fovitq;
SIGISMUNDO III. Regi Poloniarum Electo,
adoram

ad oram Baltici Maris, splendido militum stipatus comitatu,
dum fidelitatis homagium reddit;
coronatum tanti Regis amorem meruit.

Quem,

inter Civiles Motus, Regali Throno infidos,
constanti fide & animi magnitudine maximè intendit;
Vsq; ad invidiam adversarum partium & vitæ periculum;
illam tamen gloriâ; hoc magnanimitate superavit.

Tenet summa Tholi,

Splendorum Maternorum apex,

ZAWADZCIANI Sanguinis gemma,

Inclytæ Columenq; Domûs,

IOANNES ZAWADZKI,

post Castellanatûs Gedanensis Purpuram,
Palatinus Parnavien: Gubernator Suecensis,

Avus Tuus Maternus.

Qualem & virum & animum Gradivus poscat?
in Belgio, tam armorum, quàm Literarum Gymnasio,
Juvenis didicit sub Ductore Exercituum

Comite ab Emden,

In Polonia à vigesimo ad Sexagesimû 3tium Annum
per tot experimenta bellorum Heros Magnanimus probavit.

Non solum Martem ad Arma,

etiam Consum ad negotia

Pacis & amicitiae tractanda;

eius generoso insedisse pectori cognovit.

Vtroq; supergressus Cæsarem

V L A D I S L A V S IV.

Regum Poloniæ Primus Felicianus,

Quia

horum Sanctorum, ut die Auspicatissimo natus,
ita reliquias Poloniæ pignora felicitatis & victoriarum,

Munere Pontificiô,

V R B A N I VIII.

cum Benedictionis Amuleto

in Po-

in Poloniam tulit.

Hic Poloniarum Pyrrhus,
summô judiciô Cyneam ZAWADZCIVM elegit,
qui Arcana Majestatis & Reipublicæ Polonæ,
incomparabili prudentiâ, fide & Autoritate Legatus
ad Reginam Sveciæ, Palatinam Rheni,
Mariam Ducissam Nivernensem Principem Belgij:
ad Status Fœderatos; demùm quod contingit solium Iovis,
ad Reges Galliæ & Britanniæ
referret.

*Aquila sit animô, cuius pupillam oculi & judicij acris,
acuant non perstringant fulgurantium
serenitatum soles.*

Aquila ubiq; ad Solem publicum ZAWADZCIVS,
quia IOANNES:

non in Ganimede rapto,

Ast in magnis Commissionibus,

ad Duces Prussiæ & Curlandiæ, Principesq; Imperij:
fidele dextrumq; obsequium probavit,
Iovi suo eidem Serenissimo & fulminanti.

Noluerunt Boni Superi,

Tantam Virtutem, Cælestibus decus addere;
quin ex illa, solatium superstes & præsidium,
superesset Patriæ & Familiæ.

*Vnum damnum, sed grande,
triplici fenore rependunt.*

In tribus Palatini Filijs:
IOANNE, VLADISLAO, FRIDERICO.

Digna tria altis Curulibus Capita.

Per gemina Reipublicæ tempora

Pacis & Belli,

præclaris provecti actibus,

inter pugnacissimos Martis Heroas, spectati fortissimi:

in Iudicijs & Comitijs Regni,

plus quàm Delphici Oraculorum Tripodes,

pro Legum integritate semper cordati,

& ubiq; optimi Cives."

Maiores meruere quam quos gessere honores.
adde in Domo Tua Paterna Maternaq;

Magne Archipræful,

perennem Virtus & Honor tenuere nexum;
ut nullum ferme sæculum, ex quo capere, legas;
in quo Magni Sago Togâq; Viri,
& ex omnibus passim, non occurrant lectissimi.

Sed,

Lectissima omnium Heroïna, Gratiarum vna,
pulcherrimum virtutum omnium Consortium,
matronalium Decorum vivum Exemplar,
Summi Parentis Palatini Parnaviensis Filia,
non Ledeæ sed Divæ Helenæ,

Nomine insignior feliciorq;

HELENA ZAWADZKA,

Quæ Te Genuit Constantinum:

Cruce Archipræfulea adversa victurum, prospera recturum,
cuncta benedicendo serenaturum.

Levi adulationis impulsu flabello;

Asiæ populi, non leve momentum reputent,

Templum Tiberio & eius Matri Sacrare.

Ast Maximo Illustrissimæ Genitricis Tuæ,

Tuoq; Nomini, omnium Virtutum PANTHEON,

devoto simplicissimi affectus Academici cultu

quando impar Dadalus molior,

tantò longius sinceræ pietatis obsequium

ab assentationis pestiferæ fuco secerno;

Lenta salix quantum pallenti cedit oliva.

Radiantia magnæ Virtutis & fortunæ exempla,

vix latere in vno, umbratilis ingenij acumine signavi:

Parte alia animo fatisco, ipsa cogitatione

colligens, Colligatarum Familiarum æternum lucida sidera:

quæ coniunctis splendoribus, diem sole maiorem efficiunt:

Purpureo iubare præradiat, ac velut

mane fert Lucifer alnum, Stella ex Iacob;

IACO.

JACOBUS Archiepiscopus Gnesnensis,
Stemmatis ZIELINSKIANI celsitudo & fastigium:

Amoris Divini Phœbea Lampas:

Solidæ gloriæ, non ex inanibus flosculis collectæ,

Speculum, exemplum, & Nobile calcar:

Honoris Tui Archiprasulei aurora & meridies.

Sole publico lacessiti HERBVRTORVM Gladij,

Trabeatam lucem suam, vsq; ad Sidera everberant;

vbi pomum suum non viride, sed aureum,

Dederunt Pulchriori ZOŁKIEVIÆ,

Dearum sanguinis vni,

NICOLAI HERBURT, Castellani Camenecensis,

Herois tam bello, quàm Pace Clarissimi,

Consorti gratissimæ:

Cui, consanguineum Ancile,

Invictissimi IOANNIS III. Poloniarū Regis,

adamantinum Orbis Christiani Munimen,

fatale Turcicæ Potentiæ fulmen,

nunc iam suo, unde missum fuerat,

receptum Cælo.

Immensæ Maiestatis fulgur affundit,

Serenissima hæc omnium lux,

cum BARBARA de Fulstyn HERBURTOWNA,

Magni Parentis Tui Genitrice, Tuaq; Avia;

ita Domum ZIELINSKIAM circumfulsit.

Ut & Pantheon Tuum splendidissime serenet.

Nec minùs illud irradiant,

æmulis cælo ignibus,

Triumphales ZAMOYSCIORVM Hastæ,

& DZIALINSKIORUM Sagittæ, in cælo Sarmatico,

Non modici splendoris Metheora,

Sed ætheris alti simillima,

æternùm stellantia decora.

Auspicijs felicioribus: nam verioribus,

quàm olim Iovi Aquila,

D

ad cla-

ad claros ex gigantibus triumphos;
ad summa omnia Tibi prævolat,

Sacra Crasinsciorum Ales,

quæ in Aula siderea suam stellam habet:
cuius ope VALERIVS, insigne Populi Quiritium columen,
cum Gallico spolio, cognomen CORVINI adeptus.
Hæc etiã novos, Poloniæ in CRASINIIS Corvinis Valerios providet,

*Quorum peculiaris laus, semper habita est,
pro Libertatis custodia,*

in summa Reipublicæ specula,
acerrimè omnium excubasse.

Etiã Tui Honoris Pantheon,

à perennitate avitæ gloriæ rotundum,
fulget imagine cæli.

In quo signiferum exhibet,

Gemmea GEMBICCIORVM & NOVODWORSCIORVM FASCIA,

Radiant in hoc Zodiaco, omni sidere pulchrius,

Aries ROSCISZEWSCIORVM,

felicium annorum auspex:

pro Tauro, Maternorum splendorum CORNVCOPiÆ,

quo bicornis Insula Tua fulgor, amplius nitet:

metuendus hostibus GNINSCIANVS DRACO:

pro Virgine astræa, fortis Amazon SZYDŁOWSCIORVM,

quæ insidens Vrsæ, nunquàm occidentem

accendit Cynosuram, Polonia Argo:

Fulgurat æstivis ardoribus Leo PARISSORVM,

maturans Lechais in arvis auream messem.

Hæc per cognata clarissima signa,

non vt Mater Deum Berecynthia,

per alta Dindima,

Magnanimis SCZAVINSCIORUM vectus Leonibus,

aurea secula Rutheno Climati,

Sol ipse illustrissimus convolues.

Tecum, à MORSZTYNIA quoq; Luna, novo seculo,

incipient Magni procedere Menses.

Non gratius micant, astra suo fixa Polo,

quàm

quam in summo PANTHEI Tui Tholo,
 fulgentia VCHANSCIORVM LABARA,
 triumphales ZAWADCIORUM CRUCES,
 palmares GRZYBOWSCIORUM FALCES,
 inexpugnabiles GARWASCIORUM TURRES,
 aureæ LASOCCIORŪ MNIEVSCIORŪq; SOLEÆ,
 perennia heroicæ virtutis Trophæa,
 immortalia Polonæ Libertatis ornamenta,
 æternū mansuræ, ingentium animarum imagines.
Totus splendor & Purpura, præclari Poloni sanguinis,
omnis armatura Fortium,
 NOSZKOWSCII, KUCZBORSCII,
 PODOSCH, MDZEWSCH, SLESZYNSCH,
 DUCYMINSCH, KECZEWSCH,
coniunctis fulgoribus,
 solenne ingressus Tui festum coronant.
 Sed Tu omnium,
 Corona & Triumphus.



PANTHEON

CORUSCO VIRTVTVM

&
MERITORUM SPLENDORE,
ILLVSTRISSIMI, & REVERENDISSIMI DOMINI,
ARCHIPRÆSULIS,
Per simile Cælo.

HActenus tenuis Musæ penna,
inter Camillos, Fabios, Scipiadas
duros Bello & Catones;
quos ardens exiit ad sidera virtus,
per titulos memoresq; Fastos,
collectam è pulvere Olympico & Martis arena
sæpiam bibisti!
Iam evola super alta Deorum culmina,
& super Vertice Cæli consistas,
vt sereno vicinos, consimilesq; Cælo;
quia omni meritorum illustrium luce coruscos,
exhibeas decores.

Nimirum,
Illustrissime, & Reverendissime Domine ARCHIPRÆSUL,
PANTHEON,

Gentis Tuae, planè ab Iove deducta,
vndiquaq; splendoribus circumfusum perpetuis;
eo, cum Regia cæli, symbolum confert;
quia, vt Romuleum, sine fenestris & superiore recto,
sub Iove libero, liberiùs vno quasi oculo,
sed immenso,
immensi operis caeleste artificium prospectat.

Nunc,
Te, fastigio Honoris Archiepiscopalis, eminente,
Cælo persimile & Summum Deorum colitur:

Nempè

Nempe,
tota tam Basilici Operis Maiestas,
non in saxis Memphiticis,
que invidiosa consumit vetustas,
sed in augusti
animi stat mole Tui.

In quo, ceu augustali Empirio,
speciosissimus omnium virtutum conventus,
cunctorum mentes, in venerationem
& admirationem Tui, vltro citroq; provocat,
non aliter ac quondam,
Lectus concilio Divum convenerat ordo
Interiore Polo.

Nam si primam Lucinae Tuae,
sagator mentis pupilla inspexerit lucem,
en ipsi Horoscopo
amicus Musarum arrisit Phosphorus,
cum prospero & salutari Iovis fulgore,
Divinae mentis Genium, & non omni mortali,
concessam indolem irradians:

Quae ut illustrior fieret,
in Serenissimi Iagielonis Chemisphaeriô;
Unicum & Maximum Sarmatici Poli iubar,
volvens inexhausto redeuntia secula motu,

Academicus Phæbus,

addit luminis Augern.
vbi, quanta Spirasti eruditionis solidae lumina,
futurum Magnum Orbis Poloni Luminare,
Stupuit Titania Pubes,
velut stellæ Minores, à Maiori Planeta lucem mutuando:
quas propè nitente, cunctis splendoribus ore,
collustrare videbare.

Nec sine ingenti pectorum plausu,
Apollinae lucis administri extitere:
quoties laurigero æstro excitatum,
indies maioribus doctrinae scintillis micantem,

E

vivum

*vivum velut sub pectore Phæbum
spectarent.*

Cui nullum dixere parem,
inter se conferendo :

Ignens est illi vigor & cælestis Origo.

Spargitur ultra hic radius,
inter serenæ fulgura gloriæ !

*Adeo fervens est ad gloriam Nobile ingenium !
ut quemlibet aut pari adæquare virtute,
aut maiore præcurrere velit !*

Ergo,

majus Serenum ab Exotico sole sortiturus,

Jlgostadiensis Universitatis Horizonti,

Cleantheam diligentia offers lampadem ;
quæ magis, flammeis succensa ignibus,
superno æquetur Olympo.

Confestim

acutiora in Te cunctorum rapuisti lumina :
ipse sine nube,

vti genuina Aquilæ Polonæ Soboles,
in publicam lucem irretortam retorquens
palpebram.

Non hic stationarius Polono sub Polo natus !
ne Te, Principum oracula locuturum ;
ne, ex Cathedra Tua responsa daturum,
laterent toto Orbe celeberrimi

Parisiæ Delphi :

illos visere & Consulere Clarij Tripodas,
non sine Cortina, altioris Consilij visum.

Cuius Sereno vultui,

inter Augusta Gratiarum viridaria,
aperto ore, candidissima arrident Lilia ;

*avidius quàm Memnonis statua,
exortum salutatura Phæbum.*

Cuncti agnoscunt Aureum Caput,

ex eoq;

ex eoq; potius Minervam,
quàm ex Iovis Cerebro nascituram.
Erymanthium sane dixerint,
quia Herculeis Antecessorum manibus receptum,
per Te Orbi exhibetur visendum.
In illo amplissimo omnium scientiarum Emporio,
more Scipionis Africani,
omnis doctrina, & Author & Admirator,
geminos soles, perennibus Musarum donis,
ubi impendisti;

Gaditanum forte notasti:

Non plus ultra?

Minimè,

Restabat sola caelesti minor in terris;
sed tamen, Vicaria Cælorum Majestas Vaticana,
in quo eminet LATIALE CAPUT.

Huic Gentilitium submisisti meritò,
ut Caestibus Gratijs, & Sacrae Scientiae Censu,
Virtutum Meritorumq; tuorum consecraret

PANTHEVM.

Romæ Orbis in Compendio,

Divinæ Sapientiæ Orbem,

qui, sublimis totus per æterna volvitur,
imâ duntaxat superficie, terrena non tangit,

Cœlesti similior Intelligentiæ,

integrali quadrigennio voluisti,

ut Tibi, ad Sancta Sanctorum aditum patefaceres;
quæ, soli Sacrae Theologiæ & Canonum scientiæ, patent;
profanum omne vulgus procul exesse jubent.

Illinc postquam ab Astræa

clara Divûm progenie,

vtroq; radiantium nexu coronarum,

Ornatus Caput,

auspicijs raptus Patriæ,
secundo sidere movisses gressus:

protinus attigisti serenos Regum apices.
Reduci Tibi non sine triumphali nominis effedo,
Lucidissima MICHAELIS I. Regis Poloniarum
Cynthia,

Principalium favorum affulsit radijs,
ac individuum Comitem perpetui sui motus elegit.

Et certe

si terrenis diutius arsisset, & ignibus,
Cælestibusq; flammis, lucem non inferuisset,
jam pridem in auge Honorum,
inter Tiaratos Mitratosq; vertices
Caput Tuum fulsisset.

Heu quam!

invidafatorum series! summiq; negatum stare diu!

Verum,

*Sidera sideribus concurrunt,
& unius occasus tristis, sereniori
alterius ortui, porrigit vicem.*

Nec quem emeritis viris,
in summis numina rebus
crescendi posuere modum,

hoc invida fortuna sua eripere potest.

Cum ergo splendida Regalibus factis Phæbe
vitalium spirituum bigas agitare per orbem,
indignata nitidum diem poposcerit sibi:

En pleno, Maiestatis & Martiali supercilio,
quo, bella peragebat, hostesq; placidè ad gratias
componebat, verè sidus gratiosissimum exortum,

JOANNES Tertius:

celerioribus quadrigis,

Te, in summum Honoris evehere proposuit,

Regiæ frontis sidere,

Virum omnis excellentiæ intuitus,

nec spem Tuam elusit eventus,

omnibus Te præponi Honoribus voluit,

Vnde

vnde Vladislaviensis, primo Cathedræ

Præpositum elegit.

Non turgeat nimio fastu,
ingenti corporis mole præstans, audax Iapeti genus
vni contra gigantes,
captivo iniicientes brachia cælo,
auxilium utraq; tulisse manu.

Gentilitiam Tuam,

quis dubitat vnam, ferre duobus opem?
videlicet,

Templa Deum, Sacrasq; Aedes, Divumq; Sacella,
verissima cæli convexa,

ingemino Vladislaviensis, & Płocensis Episcopatus climate,
simul & semel, Fulminatoribus destituta suis

Tui Tutelaris præsidij quantam sensere curam!
quantam sollicitudinem & vigilantiam!

Non destitisti,

Numinis instando favori

Tuam, ceu fulminibus Iovis armatam, quocunq; vocabat

Ferre manum, successus urgere suos,

impellens, quidquid summa petenti,

obstaret; aut in sua Templa, furorem exerceret.

Vbi verò

irretortâ prospexerit pupillâ

Aquila Polona Ioannes,

hæc siderea culmina Tuam, superfulsisse CAPVT Nubiferum.

Illico Te,

cui Delphica fatidici reſerata penetralia Phæbi,

Cyrrhea secreta moventem ſolicitât;

vt illius, & Reipublicæ arcanorum conſcius,

ad Comitia Mariæburgenſia

munere Oratoris Publici ſangereris.

Ipsa dedere, proſpera ſigna Dij,

vt dexter

F

pro Do-

pro Domo Regia, proq; Majestate Polona,
longè felicior, Cynea oracula loquereris.
Auxisti Majestatem Regiæ Personæ,
quando aurifluo eloquij nexu, divisos animos
ita colligasti,

ut cuncti, perrupta trementi, verba darent sono.
Quis talia fantem effundet calamus?

-- sponte Deorum,
*Cyrrha silet, fatiq; sat est arcana futuri,
Carmina longæva, vobis commissa Sybillæ,
Seu Paan solutus, Templis arcere nocentes,
Ora quibus soluat, nostro non invenit ævo.*

Post hæc,

Antistes Juris, & Legum Sacer Doctor,
cui Themis suum recluserat pectus,
suoq; Astræa foverat sinu,
terras relinquens;

Ad Supremum Regni Tribunal,
& Summi fastigia Iuris,
Deputatus,

rectam aggressus es viam, Iustitiæ tendentis in astra;
Iudiciūq; Tuum, sicut meridiem sine umbra
esse, decrevisti.

Præclarè approbans,
Thebanorum statuas, honori Magistratuum,
expositas, sine manibus esse.

Quia,
*Vindex avara, fraudis & abstinent,
ducentis ad se cuncta pecunia,
Iudex non unius anni,
siderea religasse Zona,*

Gentilitiam voluisti Dextram.
Iusto itaq; faventis cæli calculo,
Virtus Supremi conscia Numinis,
pro mera laborum, dulce Tibi lucrum posuit,

Fasces

Fasces & Mytrās Pontificales.

Te anhelantum ignea siderum,

Suspirat Ædes, Principis aureos.

Invisæ postes.

Nimirum:

Eminentissimus S. R. E. Cardinalis,

MICHAEL STEPHANVS,

Comes in Radzieiowice & Kryłow,

RADZIEIOWSKI,

Archiepiscopus Gnesnen: Legatus Natus,

Regni Poloniae Primas, Primusq; Princeps,

Aureum AGNI Sui Vellus,

Byssumq; & Purpuram Sponsæ Suæ,

in Tuis tornatilibus, & aureis deposuit manibus;

Principem Sacrorum curam commitendo.

Multum de Cælo Divini vigoris,

mens illa trahat, est necesse,

cui, vicina superis fastigia, non è proximo tueri;

sed ornare contingit.

Præsul Hieropolitanus factus,

& Almæ Ecclesiæ Metropolitanæ,

Gnesnensis Suffraganeus.

Summa pietate, cura, & vigilantia Pastoralis,

speculum in Te & Sacrarium exhibuisti,

Divini Amoris spiraculum,

& animi moderatissimi læta tempe,

Clero Populoq; Archidiæcesano:

Civibus Patriæ amorem & delictum.

Quodsi

Regibus Persarum ignis Sacer,

Pyrois & Dux ad Purpuram!

Quidni Tibi!

Zelus Domus Domini, Prodromus sit,

ad Archiepiscopale Pallium?

Non potuit augustius judicare
 de Tuis illustribus meritis
 Serenissimus & Invictissimus
AUGUSTUS SECVNDVS,
 Poloniarum REX,
 quàm Te secundo, Regali oraculo,
Ecclesiæ Metropolitanæ Leopoliensis,
 Regem Sacrorum nominando.
 Qui magnæ prudentiæ, & omnium virtutum splendore
Primatialem Gnesnensem,
 Suffraganeus circumfulseras.
 Exultant igitur à conspectu Tuo,
 terq; quaterq; felices, Leoburgici Montes.
 Applaudunt gemini, Parnassi Academici Colles,
 & Scepbris suis in Crucem colligatis,
 prosperam, ingressui Tuo, signant viam,
 Gladios ancipites Regios, laureatis manibus,
 prætendentes: cum voto solenni;
ut Mater Leonis de Tribu Iuda,
Peraugusti Capituli,
Ecclesiæ Metropolitanæ Leopoliensis,
 Tutelare Decus & æternum Insigne,
 præstet Te longævum Regno, magni Consilij Senatorem,
Ecclesiæ Dei pervigilem Pastorem:
 Favum Mellis,
 in ore Leonis.




BIBLIOTH. UNIV.



UNIVERSITATIS
JAGELLONICÆ

Exam. 6.



6.

